

# **STATUTI I SHOQËRISË DHE AKTI I THEMELIMIT TË SHOQËRISË ME PËRGJEGJËSI TË KUFIZUAR**

**“BestShop” Sh.p.k**

**Subjekti i mëposhtëm,**

- Shoqëria “Sestante Holding” SRL, subjekt i të drejtës italiane, e regjistruar në Regjistrin e Shoqërive të Milans, me numër regjistrimi dhe kod fiskal nr. 09885160961, me seli në adresën Via Cerva, n. 31, Milano, Itali, me përfaqjesues ligjor zj. Enida Shehaj, e lindur më 28 Shtator 1987, në Librazhd, Shqipëri, dhe rezidente në Itali, e cila mban pozicionin e administrators së shoqërisë, me zotësi juridike për të vepruar, mbajtëse e pasaportës me nr. BR4275811, lëshuar në datë 17.01.2014, e cila në këtë akt përfaqësohet me prokurë të posaçme nr. 7258 Rep., datë 22.12.2021, nga Orjon Nallbati, lindur në Korçë, në datë 02.02.1983, banues në Durrës, identifikuar me letërnjoftimin nr. 034403859;

në cilësinë e ortakut themelues të shoqërisë, krijon:

Shoqerinë me përgjegjësi të kufizuar “BestShop” Sh.p.k, me seli në Shëtitorja “Murat Toptani”, Pall. Mbretëror, me nr. pasurie 1/236, regjistruar në vol. 39, faqe 121, Zona Kadastrale 8150, Tiranë, Shqipëri.

Statuti është akti bazë ku do të mbështetet themelimi i shoqërisë tregtar “BestShop” sh.p.k, si dhe zhvillimi i mëtejshëm i saj.

**KREU I**

**NENI 1**

## **DISPOZITA TË PËRGJITHSHME**

Ortaku i vetëm i kësaj shoqërie, është subjekti tregtar Italian shoqëria “Sestante Holding” sh.p.k., e cila zoteron 100 % të kapitalit të kësaj shoqërie.

**NENI 2**

## **EMËRTIMI I SHOQËRISË**

**2.1.** Shoqëria mban emrin “BestShop” sh.p.k, dhe është person juridik shqiptar.

**2.2.** Kjo shoqëri e fiton personalitetin e saj juridik, me regjistrimin e saj në Qendrën Kombëtare të Biznesit.

**2.3.** Shoqëria zhvillon aktivitetin e saj në përputhje me legjislatin shqiptar dhe me dispozitat e parashikuara në këtë akt.

**NENI 3**

**SELIA E SHOQËRISË**

**3.1.** Shoqëria "BestShop" sh.p.k, ka qendrën në adresën Shëtitorja "Murat Toptani", Pall. Mbretëror, me nr. pasurie 1/236, regjistruar në vol. 39, faqe 121, Zona Kadastrale 8150, Tiranë, Shqipëri, dhe ka të drejtë për të hapur degë dhe zyra të përfaqësimit të tjera, në Shqipëri dhe jashtë saj.

**3.2.** Njësitë strukturore, degët dhe përfaqësítë e saj do të ndërtohen konform legjislacionit shqiptar në fuqi dhe me atë të vendeve të tjera ku ajo mund të hapë degë.

#### NENI 4

#### OBJEKTI I VEPRIMTARISË SË SHOQËRISË

**4.1.** Qëllimi i shoqërisë është: të kryejë të gjitha aktivitetet që një shoqëri me përgjegjësi të kufizuar mund të ushtrojë në bazë të legjislacionit shqiptar, brenda ose jashtë territorit të Republikës se Shqipërisë, duke përfshirë në veçanti: **a)** shitblerja, furnizimi, shpërndarja, të produkteve, mallrave apo shërbimeve, të çfarëdolloj natyre, të përshkruara në faqet e saj të internetit apo në dyqane fizike, si dhe çdo aktivitet tjetër aksesor në lidhje me tregtimin e këtyre mallrave; **b)** tregtimin me pakicë dhe shumicë të mallrave online, nëpërmjet e-mailit, rrjeteve sociale, internetit, apo çdolloj platforme tjetër teknologjike; **c)** marketingun online; **d)** marketingun digital si dhe kryerjen e shërbimeve të konsulencës dhe organizimit tregtar të subjekteve tregtare, apo dhe konsulencës teknologjike për implementimin e sistemeve telematike dhe informatike në sektorët e informatikës dhe tregtisë; **e)** tregtimin dhe ndërmjetësimin për shitjen e tekstileve, veshjeve, këpucëve, produkteve ushqimore, pijeve, duhanit, një varieteti të ndryshëm mallrash; **f)** të gjitha aktivitet tregtare në lidhje me pasuritë e luajtshme, të paluajtshme dhe financiare të lidhura me objektin e veprimtarisë së kësaj shoqërie; **g)** kryerjen e veprimtarisë postare dhe të korrierit, si dhe të magazinimit apo ruajtjes së mallrave, produkteve apo pajisjeve të ndryshme; **h)** shitjen, blerjen, marjen hua, dhënien apo marrjen me qira të pasurive të luajtshme apo të paluajtshme dhe çdo gjë tjetër të nevojshme e të vlefshme për realizimin e drejtperdrejtë ose të tërthortë të qëllimit të shoqërisë; **i)** për realizimin e objektit shoqëria mund të kryejë, në rrugë ndihmëse të gjitha aktivitetet tregtare, industriale, financiare, ato lidhur me pasuritë e luajtshme apo të paluajtshme (përjashtuar mbledhja e kursimeve) të dobishme dhe/ose të nevojshme, etj, apo dhe konsulencën dhe shërbime profesionale në fushën marketingut, publicitetit, financiare, ligjore, burime njerëzore etj, si dhe importimin dhe eksportimin, me shumicë dhe pakicë të çdo shërbimi, malli, pajisje/makineri apo çdo gjëje tjetër që mund të nevojitet apo që mund të jetë me interes në lidhje me ushtrimin e çdo aktiviteti të ligjshëm; **j)** tregtimi dhe ndërmjetësimi për shitjen me shumicë e pakicë i artikujve të ndryshëm kozmetikë, pjesë dhe aksesorë për automjete dhe produkte të tjera industriale; **k)** të shërbejë si përfaqësuese shitje e marketingu, agjent shitje për shoqëri vendase dhe të huaja, apo çdo gjëje tjetër që mund të nevojitet apo që mund të jetë me interes në lidhje me ushtrimin e çdo aktiviteti të ligjshëm; **l)** import-eksport, tregtimi dhe shitja me shumicë e pakicë e një fushe të gjerë produktesh parfumerie, kozmetike, bukurie, tekstile, shëndeti apo dhe produkte të tjera dytësore të kësaj kategorie **m)** shitja me shumicë dhe pakicë e mallrave industrial dhe ushqimore dhe tregtimi i artikujve të ndryshëm me shumicë dhe pakicë; **n)** importi - eksporti shitja me shumicë e pakicë e pajisjeve elektrike, elektronike, lëndë të para për industrinë, materiale ndërtimi dhe hidrosanitare, pajisje

zyrash kancelari, pjesë këmbimi, auto dhe makineri të çdo lloji, pajisje teknologjike etj; o) transporti dhe shpërndarja e mallrave në adresë, apo shpërndarja dhe distribucioni online, si dhe çdo veprimtari tjetër ekonomike që do të konsiderohet e nevojshme dhe e dobishme për realizimin e qëllimit të shoqërisë dhe që nuk bie ndesh me legjisacionin Shqiptar në fuqi.

**4.2.** Shoqëria mund të hapë gjithashtu zyra dhe degë në çdo vend tjetër në botë ku do ta ketë të mundur, apo të përbushë të gjitha levizjet tregtare, industriale, financiare, pasuri të luajtshme dhe të paluajtshme të nevojshme, ose që konsiderohen të dobishme për arritjen e qëllimit të saj: mund të kontraktojë kredi dhe financim në përgjithësi, mund të marrë përsipër interesa të tjera, kuota/ aksione, pjesëmarrje në kapitalet e shoqerive të tjera apo dhe kompani të cilat kanë aktivitet tjetër social direkt apo indirekt, pa pasur për qellim vendosjen tek palët e treta.

**4.3.** Aktivitetet e sipërpërmendura do të realizohen duke respektuar legjisacionin shqiptar në fuqi dhe konform me programin e aktivitetit ekonomik dhe financiar, të miratuar nga Ortaku/Ortakët e saj.

**4.4.** Shoqëria mund të zgjerojë ose kufizojë fushën e veprimtarisë së saj në çdo kohë.

## NENI 5

### PËRGJEGJËSIA E ORTAKËVE TË SAJ

**5.1.** Pjesëmarrja në shoqëri nuk pengon pavarësinë ligjore, organizative dhe të pronësisë së ortakut të saj.

**5.2.** Ortakët e kësaj shoqërie, nuk janë përgjegjës për detyrimet që lindin gjatë aktivitetit tregtar të shoqërisë, tej kapitalit themeltar të saj, që vetë ata kanë nënshkruar. Gjithashtu shoqëria nuk përgjigjet për detyrimet personale të ortakëve të saj.

## NENI 6

### KOHEZGJATJA

**6.1.** Shoqëria do të ushtroje aktivitetin ekonomik të saj, për një periudhë kohe të pakufizuar nga data e regjistrimit të saj.

## NENI 7

### SIMBOLET E SHOQËRISË

**7.1.** Shoqëria do të ketë vulën e saj "BestShop" sh.p.k.

## KREU II

## NENI 8

### KAPITALI I SHOQËRISË

**8.1.** Kapitali i nënshkruar i shoqërisë "BestShop" sh.p.k përbëhet nga para me vlerë



A handwritten signature in blue ink, appearing to be a stylized version of the name "BestShop".

të barabartë me 100.000 (njëqind mijë) lekë, e barabartë me 1 kuotë/pjesë me vlerë nominale 100.000 lekë, (1 kuotë/pjesë e barabartë me 100 % të kapitalit).

**8.2** Kontributi i ortakut mund të jetë në para ose në natyrë (pasuri të luajtshme/të paluajtshme apo të drejta).

**8.3** Ortaku/ët përgjigjet/n për humbjet e shoqërisë përkundrejt të tretëve deri në vlerën e kontributit të tyre në kapitalin themeltar të shoqërisë.

## NENI 9

### TRANSFERIMI I KAPITALIT DHE I KUOTAVE

**9.1.** Kapitali themeltar ose pjesë të veçanta të tij, janë të transferueshme nga ortaku tek të tretët. Transferimi i kapitalit apo pjesëve të tij nga Ortaku në favor të të tretëve, kryhet gjithnjë me akt juridik të posaçëm.

**9.2.** Shoqëria mund të zmadhojë kapitalin themeltar ose mund ta zvogelojë atë, por në çdo rast jo nën kufirin e përcaktuar ligjor. Zmadhimi dhe zvogëlimi i kapitalit behet me vendim të ortakëve të shoqërisë dhe sipas parashikimeve të ligjit nr. 9901, datë 14.04.2008 "Për tregtarët dhe shoqëritë tregtare", i ndryshuar.

**9.3.** Kapitali i shoqërisë mund të zmadhohet nëpërmjet lëshimit të kuotave të reja, apo me rrijen e vlerës së kuotave ekzistuese. Pjesët e reja të kapitalit themeltar do të nënshkruhen dhe vlera e tyre do të paguhet plotësisht menjëherë me nënshkrimin e tyre, përvèç kur parashikohet ndryshe në vendimin e Asamblesë.

**9.4.** Kapitali i regjistruar i shoqërisë mund të zvogëlohet me vendim të ortakëve të shoqërisë në të njëjtat kushte që kerkohen për ndryshimin e statutit.

**9.5.** Vendimi për zvogëlimin e kapitalit i njoftohet Qendrës Kombëtare të Biznesit për regjistrim nga administratori, në përputhje me nenin 43 të ligjit nr. 9723, datë 3.5.2007 "Për regjistrimin e biznesit", i ndryshuar.

## NENI 10

### TRANSFERIMI I KUOTAVE

**10.1.** Kuotat e kapitalit të shoqërisë dhe të drejtat që rrjedhin prej tyre mund të fitohen apo kalohen nëpërmjet:

- a) kontributit në kapitalin e shoqërisë;
- b) shitblerjes;
- c) trashëgimisë;
- ç) dhurimit;
- d) çdo mënyre tjetër të parashikuar me ligj.

**10.2.** Në rastin e kalimit të kuotave me kontratë, kontrata duhet të bëhet me shkrim.

**10.3.** Personi që kalon kuotën dhe ai që e fiton atë, përgjigjen në mënyrë solidare ndaj shoqërisë për detyrimet që rrjedhin nga zotërimi i kuotës, nga çasti i kalimit të kuotave, deri në çastin e regjistrimit të kalimit të kuotave në Qendrën Kombëtare të Biznesit, sipas nenit



43 të ligjit nr. 9723, datë 3.5.2007 "Për regjistrimin e biznesit", i ndryshuar. Regjistrimi i kalimit të kuotave ka efekt deklarativ.

**10.4.** Kalimi i kuotave kushtëzohet nga e drejta e parablerjes së tyre, nga ortakët e tjerë të shoqërisë.

### KREU III

#### NENI 11

#### ORGANI VENDIMMARRËS

**11.1.** Asambleja e kësaj shoqërie është organi i vetëm vendimmarrës i shoqërisë, që miraton çdo ndryshim të statutit sipas modaliteteve të përcaktuara në ligj. Çdo ndryshim statuti duhet të depozitohet pranë QKB për të pasqyruar ndryshimet në skedën e shoqërisë. Ortaku do të ketë të drejta vote në përpjestim me përqindjen e kontributit të zotëruar prej tij në kapitalin e Shoqërisë dhe që përfaqësohet nga Kuota e tij ose pjesë e Kuotës së tij.

**11.2.** Ortaku/ët i/e saj, vendosin për çështje si:

- a) përcaktimi i politikave tregtare të shoqërisë;
- b) emërimin dhe shkarkimin e administratorëve;
- c) emërimin e shkarkimin e likuiduesve dhe të ekspertëve kontabël të autorizuar;
- ç) përcaktimin e shpërblimeve
- d) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë se veprimtarisë;
- e) përfaqësimin e shoqërisë në gjykatë dhe në procedimet e tjera ndaj administratorëve;
- f) miratimin e rregullave procedurale të mbledhjeve;
- g) ndryshimin e statutit, e selisë së shoqërisë, hapjen dhe mbylljen e filialeve të saj.
- h) zmadhimin ose zvogëlimin e kapitalit të shoqërisë;
- i) riorganizimin dhe prishjen e shoqërisë etj.

**11.3.** Të gjitha vendimet e marra nga Ortaku/ët i/e saj duhet të regjistrohen në regjistrin e vendimeve, të dhënat e të cilit, nuk mund të ndryshohen ose të fshihen.

Në regjistrin e vendimeve, duhen regjistruar në veçanti, por pa u kufizuar në to, vendimet për:

- a) miratimin e pasqyrave financiare vjetore dhe të raporteve të ecurisë së veprimtarisë;
- b) shpërndarjen e fitimeve vjetore dhe mbulimin e humbjeve;
- c) investime;
- d) vendimet për riorganizimin dhe prishjen e shoqërisë.

**11.4.** Shoqëria nuk mund t'i kundërshtojë pavlefshmërinë të tretit, që ka fituar të drejta në mirëbesim, përveç rastit kur shoqëria provon se i treti ka pasur dijeni për pavlefshmërinë, apo në bazë të rrethanave të qarta nuk mund të mos kishte pasur dijeni për të.

**11.5.** Asambleja e Pergjitheshme do te mbahet ne seline e Shoqerise ose ne cdo vend tjeter brenda ose jashte Shqiperise ku Ortaket mund te bien dakord. Vendi i perzgjedhur, data dhe ora si dhe rendi i dites dhe dokumentat perkatese ne lidhje me mbledhjen duhet t'i njoftohen Ortakeve me ane te postes se regjistruar ose emailit te pakten 7 dite perpara dates se percaktuar per mledhjen.

**11.6.** Per cdo vendim te marre jashte Shqiperise nje vendim i shkruar duhet t'i dergohet Administratorit te Shoqerise. Ne rastet kur Asambleja nuk eshte mbledhur sipas ketij Neni, atehere Asambleja mund te marre vendime te vlefshme vetem nese te gjithe Ortaket jane dakord.

**11.7.** Çdo Ortak ka te drejte te perfaqesohet me prokure ne perputhje me Ligjin per Shoqerite Tregtare. Çdo Ortak ka te drejte te marre pjese ne mbledhje nepermjet mjeteve te komunikimit ne distance sic telekonferencat dhe/ose videokonferencat, etj.

**11.8.** Ortaket pranojne dhe jane dakort per te vendsur duke shprehur voten edhe ne menyre te shkruar nepermjet qarkullimit te dokumentit te shkruar. Draft vendimi se bashku me rendin e dites dhe njoftimin dhe dokumentat mbeshtetese duhet t'i dergohet Ortakeve me poste, email ose mjetet elektronike te sigurta te pakten 7 dite perpara dates se mbledhjes. Ortaket kane te drejte te miratojne vendimin duke derguar nje kopje te nenshkuar te projekt-vendimit tek Administratoret ne daten ose perpara dates se mbledhjes. Ortaket te cilet votojne kunder duhet te shprehin kundershtite e tyre per vendimin ne nje dokument me shkrim dhe duhet ta dergojne ate tek Administratori. Vendimi do te konsiderohet i miratuar nese kuorumi dhe shumica e kerkuar ne perputhje me kete Statut Jane perm bushur.

**11.9.** Çdo Ortak ka te drejten te votoje ne perputhje me, dhe ne proporcion me vleren nominale te Kuotes se zoteruar prej tij ne kapital.

**11.10.** Vendimet e me poshtme do te merren me nje kuorum pjesemarrjeje prej me shume se  $\frac{1}{2}$  e kapitalit te Shoqerise qe duhet te jete i pranishem ne mbledhje dhe do te miratohen me voten ne favor nga ortaket qe zoterojne te pakten 70% te kapitalit te Shoqerise, i pranishem ne mbledhje:

- a. vendimet ne lidhje me mos shperndarjen e fitimeve apo/dhe me destinacionin e ndryshem te fitimeve te Shoqerise;
- b. ndryshimi i Statutit i cili nuk lidhet me objektin e Shoqerise;
- c. zmadhimi i kapitalit me nje vlere nen 3 (tre) milion Euro ose zvogelimi i kapitalit te Shoqerise;

## NENI 12

### ADMINISTRATORI

**12.1.** Administratori i shoqërisë "BestShop" sh.p.k. është: Z. **Alban Berberi**, lindur në Pogradec, më 08.05.1984, mbajtës i letërnjoftimit me nr. 037258492 dhe nr. Personal I40508134N.

**12.2.** Administratori i shoqërisë do te ushtrojë kompetencat e administrimit për një afat 5 vjeçar, me të drejtë ripërtëritje bazuar në nenin 95/1 të ligjit nr. 9901, datë 14.04.2008 "Për tregtarët dhe shoqëritë tregtare", i ndryshuar.

**12.3.** Administratori i kësaj shoqërie ka të drejtë që, në ushtrim të kompetencave të administratorit, që të kryejë të gjitha veprimet e nevojshme pranë çdo institucioni privat apo publik, si dhe të marrë të gjitha vendimet në interes të shoqërisë.

**12.4.** Administratori i shoqërisë mund të caktohet edhe një person tjetër, jashtë ortakut.



**12.5.** Afati i emerimit per Administratorin eshte 5 (pese) vjet me te drejte rinovimi. Cdo ndryshim i mepasshem ne lidhje me numrin ose personin e Administratorit/reve, nuk do te konsiderohet si nje ndryshim Statuti.

### NENI 13

## KOMPETENCAT DHE PËRGJEGJËSITË E ADMINISTRATORIT

**13.1.** Administratori ka të drejtë e detyrohet të:

- a) kryejë të gjitha veprimet e administrimit të zakonshëm dhe të jashtëzakonshëm të veprimtarisë tregtare të shoqërisë, duke zbatuar politikat tregtare, të vendosura nga ai vete.
- b) përfaqësojë shoqërinë tregtare;
- c) kujdeset për mbajtjen e saktë e të rregullt të dokumenteve dhe të librave kontabël të shoqërisë;
- ç) te përgatisi dhe nënshkruajë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara ortakut të shoqërisë.
- d) krijojë një sistem paralajmërimi në kohën e duhur për rr Ethanat, që kërcënojnë mbarëvajtjen e veprimtarisë dhe ekzistencën e shoqërisë;
- dh) kryejë regjistrimet dhe dërgojë të dhënat e detyrueshme të shoqërisë, siç parashikohet në ligjin për Qendrën Kombëtare të Biznesit;
- e) raportojë përpara ortakut në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;

**13.2.** Administratori është i detyruar të thërrase mbledhjen e Asamblesë së Përgjithshme edhe në rastet kur:

- sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.

**13.3.** Administratori ka të drejte të kryeje të gjitha veprimet e administrimit të zakonshëm e të jashtëzakonshëm. Administratori përfaqëson Shoqërinë përpara të gjithë personave fizikë e juridikë, publike dhe/ose privatë vendas apo të huaj, autoritetet e shtetërore Shqiptare apo të huaja, përfshi këtu autoritetet gjyqësore të gjitha shkallevet.

**13.4.** Administratori ka të gjitha kompetencat për të vepruar në marrëdhënie me të tretët në emër të shoqërisë, në të gjitha rr Ethanat me përjashtim të kompetencave që ligji i'a jep shprehimisht ortakëve.

**13.5.** Administratori angazhon shoqërinë në marrëdhëni me të tretët nëpërmjet akteve që janë në përputhje me objektin e saj. Shoqëria nuk merr përsipër pasojat ndaj të tretëve kur ajo provon se të tretët e dinin që akti i administratorit e kalonte objektin e shoqërisë ose kur të tretët nuk mund ta injoronin këtë akt në rr Ethanat e dhëna, duke patur parasysh faktin se vetëm shpallja e statutit nuk është provë e mjaftueshme.

**13.6.** Asambleja ka te drejte te shkarkoje Administratorin në cdo moment, me shumicë të thjeshtë.

### NENI 14

## VITI FINANCIAR

Viti finanziar i Shoqërisë fillon më 1 Janar dhe përfundon më 31 Dhjetor. Përjashtimisht, viti i parë finanziar fillon nga data e regjistrimit të shoqërisë në Qendrën Kombëtare të Biznesit dhe mbylljet më 31 Dhjetor.

## NENI 15

### BILANCI I SHOQËRISË DHE DIVIDENTET

**15.1.** Brenda 6 muajsh nga mbyllja e vitit finanziar, Mbledhja e Asamblesë së Përgjithshme, e përberë nga ortakët e shoqërisë miraton bilancin e paraqitur nga Administratori.

**15.2.** Mbledhja e Asamblesë së Përgjithshme, e përberë nga ortakët vendos rreth shpërndarjes së dividentit, pasi të jenë zbritur humbjet e vitit të mëparshëm finanziar, siç edhe parashikohet nga ligji.

## NENI 16

### MBARIMI I SHOQËRISË

**16.1.** Shpërndarja ose prishja e shoqërisë mund të behet:

- a) kur mbaron kohëzgjatja e parashikuar në themelin e saj;
- b) me vendim të ortakeve të shoqërisë;
- c) me hapjen e procedurave të falimentimit;
- ç) nëse nuk ka kryer veprimtari tregtare për dy vjet dhe nuk është njofuar pezullimi i veprimtarisë në përputhje me pikën 3 të nenit 43 të ligjit nr.9723, datë 3.5.2007 "Për regjistrimin e biznesit", i ndryshuar;
- d) me vendim të gjykatës;

**16.2.** Në këtë rast ortaku i shoqërisë merr vendim me shkrim në të cilin parashikon mënyrën e likuidimit të shoqërisë, duke caktuar një apo disa likuidatorë dhe duke shënuar në çdo dokument të shoqerise emrin e likuidatorit dhe emërtesën shtesë "Shoqëri në likuidim e sipër".

**16.3.** Prishja e shoqërive tregtare ka si pasojë hapjen e procedurave të likuidimit në gjendjen e aftësisë paguese, me përjashtim të rasteve kur është nisur një procedurë falimentimi.

**16.4.** Nëse ortakët e shoqërisë nuk marrin një vendim për emërimin e likuiduesve, brenda 30 ditëve pas prishjes, çdo person i interesuar mund t'i drejtohet gjykatës, për të caktuar një likuidues.

## NENI 17

### TRANSFORMIMI I SHOQËRISË

**17.1.** Transformimi i shoqërisë bëhet me vendim të ortakut të shoqërisë ose kur ekzistojnë faktorë të jashtëm detyrues ligjor. Në këto raste vendimi merret pasi administratori të ketë paraqitur një raport mbi gjendjen e shoqërisë.

**17.2.** Çdo transformim i bërë në kundërshtim më këtë nen është i pavlefshëm.

## NENI 18

### E DREJTA E PARABLERJES

**18.1.** Çdo transferim i kuotes se Shoqerise apo e një pjesë te saj nga një ortak do te jetë objekt i te drejtës se parablerjes te ortakut tjeter (me tej e "Drejta e Parablerjes"). E Drejta e Parablerjes do te ushtron si pas kushteve te percaktuara me poshtë.

**18.2.** Nese secili ortak synon te transferoje, te shese ose te disponoje ne menyre tjeter kuoten e tij ne Shoqeri, ose pjesë te saj, (me tej "Ortaku Shites") tek një pale e trete (e cila nuk eshte pjesë e një nga Ortakeve ekzistues), (me tej "Pala e Trete Blerese") atehere ortakëve të tjera (me tej "Ortaku Jo Shites") do t'i ofrohet per shitje kuota ne Shoqeri ose pjesa e saj perpara se kjo t'i shitet Pales se Trete Blerese, me te njejtat kushte qe i eshte ofruar ose qe eshte negociuar me Palen e Trete Blerese.

**18.3.** Ortaku Shites do te dergoje një njoftim (me tej "Njofimi i Shitjes") tek Ortaku Jo Shites. Njoftimi i Shitjes ne menyre te arsyeshme do te pershkruaje detajet ne vijim: (i) natyren e shitjes apo transferimit te propozuar, (ii) kuoten, apo pjesen e saj, e cila do te shitet apo transferohet, (iii) çmimin qe do te paguhet per kuoten apo pjesen e saj, (iv) identitetin e Pales se Trete Blerese dhe (v) cdo kusht dhe term material te propozimit per shitje. Njoftimi i Shitjes do te perbeje oferten per Ortakun Jo Shites, per te blere kuoten apo pjesen e saj te ciles i referohet. Oferta per blerje te kuotes apo te pjeses se saj, te pershkruar ne kete Nen do te qendroje ne fuqi dhe do te kete efekt 30 (tridhjete) ditor nga dita e dergimit te Njoftimit te Shitjes tek Ortaku Jo Shites.

**18.4.** Nese Ortaku Jo-Shites vendos te bleje kuoten ose pjesen e saj, me çmimin dhe kushtet e parashikuara ne Njoftimin e Shitjes, ai duhet te dergoje tek Ortaku Shites një njoftim pranimi ("Njoftimi i Parablerjes") brenda afatit prej 30 (tridhjete) ditesh te percaktuar ne pikën 18.3 dhe finalizimi i shitjes do te ndodhe brenda 20 (njezet) ditesh nga dita kur Njoftimi i Parablerjes eshte marre nga Ortaku Shites.

**18.5.** Ne rast se Ortaku Jo-Shites nuk ushtron te Drejten e Parablerjes (si ne rastin kur nuk dergon Njoftimin e parablerjes brenda afatit ne 18.3 ose duke njoftuar per mos ushtrimin te se Drejtes se Parablerjes), atehere Ortaku Shites mund te shese kuoten e tij ne Shoqeri ose pjesen e saj, tek pala e Trete Blerese me kushte jo me pak te favorshme per Ortakun Shites se sa ato te ofruara ne fillim tek Ortaku Jo-Shites me ane te Njoftimit te Shitjes.

## NENI 19

### BAZA LIGJORE

**19.1.** Shoqëria do t'ë zhvillojë aktivitetin e saj në përputhje t'ë plotë me këtë statut dhe dispozitat e legjislacionit shqiptar.

**19.2.** Për sa nuk parashikohet në këtë statut, do t'ë zbatohen dispozitat e ligjit nr. 9901, datë 14.04.2008 "Për regjistrimin e biznesit", i ndryshuar, Kodit Civil dhe akteve t'ë tjera ligjore dhe nënligjore t'ë dalë në zbatim t'ë tyre në Republikën e Shqipërisë.

## NENI 20

### MOSMARREVESHJET

**20.1.** Për mosmarrëveshjet që mund të lindin në lidhje me zbatimin apo interpretimin e këtij statuti, si dhe për çdo mosmarrëveshje që mund të lind midis Shoqërisë dhe të tretëve, do të tentohet të zgjidhen me konsensus dhe mirëkuptim.

**20.2.** Në rast të kundërt, kompetente për zgjidhjen e mosmarrëveshjeve do të jetë Gjykata e Rrethit Gjyqësor, Tiranë.

## NENI 21

### DISPOZITA PËRFUNDIMTARE

**21.1.** Ky statut është hartuar me vullnetin e lirë dhe të plotë të ortakut të shoqërisë dhe është nënshkruar prej tij.

**21.2.** Ky Statut u redaktua në gjashtë kopje, në gjuhën shqipe, me vlere të njëjtë juridike. Një kopje mbahet në dokumentacionin bazë të shoqërisë.

**21.3.** Për regjistrimin e shoqërisë dhe akteve juridike pranë Qendrës Kombëtare të Regjistrimit, autorizohet përfaqësuesi me prokurë i ortakut të vetëm Sestante Holding sh.p.k., av. **Orjon Nallbati**, i cili ka të drejtë të autorizojet dhe persona të tjera për kryerjen e çdolloj veprimi në QKB, pa pasur mundësi të tjera të gjejnë të meta.

### ORTAKU THEMELUES:

Sestante Holding Srl  
Administrator  
**ENIDA SHEHAJ**  
*Përfaqësuar me procure nga:*  
**Orjon Nallbati**



Datë 14.01.2022